

## **UGOVORNE STRANE:**

1. Veterinarski fakultet u Sarajevu (u daljem tekstu Fakultet) , kojeg zastupa dekan prof.dr. Nihad Fejzić

i

2. J.U. Poljoprivredna škola „Sanus futurum” (u daljem tekstu srednja škola), kojeg zastupa v.d. direktor prof. Dijana Talić

Zaključili su dana 07.02.2013.godine sljedeći

## **UGOVOR**

o nastavnoj, naučnoj i stručno-tehnološkoj saradnji

### **I- PREDMET I CILJEVI UGOVORA**

#### **Član 1.**

Svrha ovog ugovora je reguliranje uslova i načina nastavne, naučne i stručno-tehnološke saradnje između ugovornih strana.

Glavna područja saradnje u okviru ovog ugovora će biti sljedeća:

- edukacije studenata Fakulteta;
- izvođenje praktične nastave na farmi;
- kontrola kvaliteta stočne hrane koja se koristi u ishrani grla na farmi;
- kontrola mlijeka;
- ispitivanje i utvrđivanje zdravstvenog statusa grla s farme;
- dijagnostički, preventivni i kurativni tretmani.

### **II-DOPRINOS J.U. POLJOPRIVREDNA ŠKOLA „SANUS FUTURUM”**

#### **Član 2.**

U cilju realizacije ovog ugovora J.U. Poljoprivredna škola „Sanus futurum” se obavezuje da će u periodu ljetnog raspusta :

- obezbjediti smješta za 40 osoba (studenti i nastavnici);
- obezbjediti ishranu za smještene osobe;
- obezbjediti nesmetan pristup akademskom osoblju i studentima Fakulteta u krug farme, kako bi obavili praktičnu nastavu, kao i sve druge radnje koje će omogućiti provođenje edukacije studenata po nastavnom planu i programu uz prethodni dogovor sa Veterinarskom službom na farmi;

- obezbjediti parking prostor u krugu farme za službena vozila fakulteta kojim će se studenti dovoziti i odvoziti na nastavu;
- obezbjediti adekvatan prostor za kliničku učionicu sa pratećim sadržajima (sanitarni čvor i prostor za garderobu) u kojoj će se u skladu sa nastavnim planovima i programima izvoditi klinička nastava na nastavnim životinjama;
- jednom godišnje u pismenoj formi dostavljati Fakultetu /šefu klinika/ izvještaj o zdravstvenom statusu životinja sa kojima studenti dolaze u kontakt;
- omogućiti učešće akademskog osoblja i studenata u rutinskim zahvatima;
- omogućiti učešće akademskog osoblja i studenata u dijagnostičkim, preventivnim i kurativnim tretmanima;
- omogućiti učešće akademskog osoblja i studenata u kontroli proizvodnje, kvaliteta i higijenske ispravnosti mlijeka i mliječnih proizvoda te kontroli stočne hrane;
- omogućiti učešće akademskog osoblja i studenata u uzimanju uzoraka krvi od grla sa farme radi vršenja analize istih u skladu i na način kako je to propisano pozitivnim zakonskim propisima.

## II- DOPRINOS FAKULTETA

### Član 3.

U cilju realizacije ovog ugovora Fakultet se obavezuje da će:

- za J.U. Poljoprivredna škola „Sanus futurum“ obavljati stručnu i nepristrasnu kontrolu kvalitete, sirovinskog sastava i posebnih svojstava stočne hrane koja se koristi u ishrani grla na farmi;
- za J.U. Poljoprivredna škola „Sanus futurum“ obavljati dijagnostičke, preventivne i kurativne tretmane;
- za J.U. Poljoprivredna škola „Sanus futurum“ obavljati kontrolu proizvodnje, kvaliteta i higijenske ispravnosti mlijeka ;
- za J.U. Poljoprivredna škola „Sanus futurum“ obavljati laboratorijsku analizu uzoraka krvi uzetih od grla sa farme u skladu i na način kako je to propisano programima kontrole bolesti koje su regulisane zakonskim propisima;

Obaveze iz stava 1. ovog člana Fakultet će vršiti bez naknade.

#### Član 4.

J.U. Poljoprivredna škola „Sanus futurum“ će obaveze iz člana 2. tačke 1 i 2 izvršiti po važećem cjenovniku smještaja i ishrane učenika škole.

Obaveze iz člana 2. tačke 3 do 10 ovog ugovora izvršiti će bez naknade.

#### IV-PRIJELAZNE I ZAVRŠNE ODREDBE

#### Član 5.

Ugovor se zaključuje na period od četiri godine od dana potpisivanja istog.

#### Član 6.

Izmjene ovog ugovora mogu se vršiti uz saglasnost obje ugovorne strane i to putem aneksa ugovora.

#### Član 7.


Eventualno sporna pitanja iz ovog ugovora ugovorne strane se obavezuju da će sporazumno riješiti, a u slučaju nemogućnosti takvog rješenja ugovaraju nadležnost suda u Sarajevu.

#### Član 8.

Ovaj ugovor je sačinjen u četiri (4) istovjetna primjerka od kojih svaka ugovorna strana zadržava po dva (2).


J.U. Poljoprivredna škola „Sanus futurum“  
Sanski Most

Veterinarski fakultet u Sarajevu



prof. Dijana Talić

01-61-140/13



prof. dr. Nihad Fejzić

01-61-245-1/13